

Եւ իրբեւ կատարեցան աւուրքն սրբոյ քառսուն օր, հանին զմեզ ի դուրս: Մտեալ ի քաղաքն տեսաք փառաւոր եկեղեցիս եւ 260 բարձր զանկալատունս վիմաշէն, այլ եւ մեծամեծ զանկալս, որ ի հնչելն զուարճանային հոգիք ի քաղցր եւ համեղ ձայնէն. եւ խաչեր մեծամեծ ի վերայ եկեղեցեաց եւ զանկալատնից՝ ոսկէջրած: Եւ անդ այլ ոչ երեւէր տա- 265 ճիկ կամ հրաման թուրքաց, այլ բովանդակ քրիստոնէութիւն էր: Չայս ամենայն տեսեալ ուրախացաք եւ բերկրեալ ցնծացաք հոգով եւ մարմնով, մինչ զի մոռացաք զամենայն նեղութիւն եւ զտանջանս, եւ զզժուարու- 270 թիւն ճանապարհին, այլ եւ նազարէթին. զոր այսուհետեւ բարձաւ իշխանութիւն եւ զօրութիւն Տաճկաց եւ թագաւորեաց Քրիստոս քրիստոնէիւք: Եւ քաղաքս էր սքէլէ եւ ծովահայեաց. եւ շուրջ զնովաւ էին այգիք եւ 275 թղենիք:

Եւ կացաք անդ մինչեւ եկին զատրղայք Վէնէտիկու զի եւ ի վերայ ծովուն այն կային հարամիք. եւ իրեք օրն հասաք յատա մի ԶԱՏՐԱՅ անուն. եւ մտեալ յինքն տեսաք 280 պայծառ եկեղեցիս, վանորայս եւ եպիսկոպոսարանս՝ զեղեցիկ վիմօք եւ աշտարակօք շինեալ. այլ եւ զանառիկ բերթն եւ զպարիսպ քաղաքին, որ էր թիկնապահ: